

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-4380-5/20

Datum: 15.12.2020. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3751 od 22.09.2020. godine, u postupku javne nabavke prehrambenih proizvoda, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivne javne nabavke i okvirni sporazum za javnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Lala i Lačo d.o.o. Bijeljina za ponuđenu cijenu od 85.399,76 KM bez PDV-a

II

Postupkom javne nabavke predviđeno je potpisivanje Okvirnog sporazuma na period od 2 (dvije) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Lala i Lačo d.o.o. Bijeljina po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-4380/20 od 29.10.2020. godine i Obavještenja o nabavci broj: 16475-1-1-82-3-83/20 od 30.10.2020. godine, proveden je otvoreni postupak javne nabavke prehrambenih proizvoda za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-4380/20 od 20.11.2020. godine, za aktivno učešće u postupku dostavljene su ponude ponuđača Primaprom d.o.o. Banja Luka, Lala i Lačo d.o.o. Bijeljina, TPDC d.d. Sarajevo i Gold Mignon d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-4380-4/20 od 14.12.2020. godine, kojim je utvrdila slijedeće:

- da ponuda ponuđača Primaprom d.o.o. Banja Luka ne sadrži izmjenjeni Obrazac za cijenu ponude (Aneks III). Naime, navedeni ponuđač je preuzeo izmjene tendeske dokumentacije sa Portala javnih nabavki, koje su se odnosile na Obrazac za cijenu ponude (Aneks III). Međutim, u dostavljenoj ponudi nije priložio izmjenjeni obrazac. Izmjene su se odnosile na gramažu i količine pojedinih stavki iz Obrasca za cijenu ponude, što u konačnici utiče i na ukupnu vrijednost ponude.

U skladu sa naprijed navedenim, ponuda ponuđača Primaprom d.o.o. Banja Luka nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponude ponuđača Lala i Laćo d.o.o. Bijeljina, TPDC d.d. Sarajevo i Gold Mignon d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Komisija je utvrdila da je ponuđač Lala i Laćo d.o.o. Bijeljina dostavio potvrdu o preferencijalnom tretmanu domaćeg.

U pristiglim ponudama Komisija za sukcesivne nabavke za potrebe Uprave policije prilikom pregleda i ocjene ponuda utvrdila je i postojanje računskih grešaka kako slijedi:

- Ukupni iznos u ponudi ponuđača Gold Mignon d.o.o. Sarajevo, nakon ispravljanja računске greške, treba da iznosi 84.375,58 KM umjesto pogrešno upisanih 84.374,68 (razlika 0,90 KM). Ugovorni organ je uputio zahtjev za ispravku računске greške broj: 02/6-11-4-4380-2/20 od 01.12.2020. godine, ponuđaču Gold Mignon d.o.o. Sarajevo. Navedeni ponuđač je u odgovoru na zahtjev broj: 196-1-11/20 od 02.12.2020. godine izjavio da prihvata djelomično izvršenje ispravke računске greške, to jest prihvata ispravku po stavci 137. iz obrasca za cijenu ponude, ali da ukupna vrijednost sa popustom bez PDV-a iznosi 84.374,68KM.

Komisija je pristupila ponovnom pregledu finansijske ispravnosti ponude ponuđača Gold Mignon d.o.o. Sarajevo, te utvrdila da je računska greška napravljena samo u stavci 137. Obrasca za cijenu ponude, ali da ukupna vrijednost sa popustom bez PDV-a iznosi 84.374,68KM.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 11.12.2020. godine sa početkom u: 14.20 sati.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive. Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije nije došlo do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- Lala i Laćo d.o.o. Bijeljina sa konačnom ukupnom cijenom ponude u iznosu od 85.399,76 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Cijeneći naprijed navedeno, a u skladu sa Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a